

**„შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობის“**  
**ქვეპროგრამის ფარგლებში გამოცხადებული**  
**კონკურსის პროგრამა და პირობები**

**1.ქვეპროგრამის განმახორციელებელი:**

ქალაქ ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური.

**2.ქვეპროგრამის მიზანი:**

ქალაქ ქუთაისის საკრებულოს 2023 წლის 27 დეკემბრის N79 დადგენილებით დამტკიცებული 2024 წელს მოქმედი „შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობის“ ქვეპროგრამა ითვალისწინებს ქალაქ ქუთაისში რეგისტრირებული შეზღუდული შესაძლებლობის მქონე პირების საჭიროებებზე მორგებული პროექტების განხორციელებას, რომელიც ითვალისწინებს დასაქმებას, განათლებას, სოციალური მეწარმეობის განვითარებას.

აღნიშნული ქვეპროგრამა საშუალებას აძლევს შეზღუდული შესაძლებლობების მქონე პირებს მოახდინონ საკუთარი შესაძლებლობების რეალიზაცია, საზოგადოებრივ ცხოვრებაში ჩართულობა სხვებთან თანასწორ პირობებში.

**3.კონკურსის ჩატარების პირობები და მოთხოვნები**

3.1. კონკურსში მონაწილეობა შეუძლია ქალაქ ქუთაისში რეგისტრირებულ პირებს 18 წლიდან და ქალაქ ქუთაისის ტერიტორიაზე მოქმედ არასამთავრობო ორგანიზაციებს, რომლებიც უნდა აკმაყოფილებდნენ შემდეგ კრიტერიუმებს:

- ფლობდნენ პროექტის განხორციელებისთვის საჭირო ადამიანურ და მატერიალურ რესურსს;
- გააჩნდეთ საკონკურსო პროგრამის სამიზნე ჯგუფებთან/შეზღუდული შესაძლებლობების მქონე პირებთან მუშაობის გამოცდილება;
- პროექტისა და პროექტის ბიუჯეტის მართვის უნარებს.

3.2. საკონკურსო განაცხადების მიღება წარმოებს ქალაქ ქუთაისის მუნიციპალიტეტის მერიის პირველადი სტრუქტურული ერთეულის სოციალურ საკითხთა სამსახურის უფროსის სახელზე.

3.3. კონკურსში მონაწილეს შეუძლია შეავსოს მხოლოდ ერთი განაცხადი.

3.4. საპროექტო განაცხადი შევსებული უნდა იყოს საკონკურსი პროექტის განაცხადის ფორმის მიხედვით /დანართი N3 და დანართი N 4/ შესაბამისად და თან ერთვოდეს საჭირო დოკუმენტაცია.

3.5. საკონკურსო განაცხადი მიღებული უნდა იყოს მიღებისთვის დადგენილ ვადაში.

3.6 საკვალიფიკაციო მოთხოვნებთან შეუსაბამობის შემთხვევაში, კომისია უფლებამოსილია მიიღოს გადაწყვეტილება განაცხადის განუხილველად დატოვების შესახებ, ხოლო საკვალიფიკაციო მოთხოვნებთან შესაბამისობის შემთხვევაში, კომისია იწყებს საკონკურსო განაცხადების შერჩევას კრიტერიუმების პრიორიტეტულობის მიხედვით და შემდეგ მათ დეტალურ შემოწმებას და შეფასებას.

3.7 შესაძლებელია კოალიციური ერთი ან რამდენიმე ფიზიკური პირის, მათ შორის ქუთაისში მოქმედი არასამთავრობო ორგანიზაციების მიერ წარმოდგენილი პროექტების განხილვა.

3.8 ქალაქ ქუთაისის მუნიციპალიტეტის მერიიდან მოთხოვნილი თანხა არ უნდა აღემატებოდეს **10 000 (ათი ათასი) ლარს.**

3.9 აუცილებელია წარმოდგენილი პროექტის მთლიანი ღირებულების თანადაფინანსება განისაზღვროს 10%-ით.

- 3.10 პრიორიტეტი მიენიჭება ისეთ პროექტებს, რომელთაც თან ახლავს: კვლევა, რომელიც ასახავს საკონკურსო პროექტის საჭიროებას.
- 3.11 სახელფასო ბიუჯეტი გადასახადების გათვალისწინებით არ უნდა აღემატებოდეს პროექტის საერთო ღირებულების 30%-ს.
- 3.12 გასულ წლებში გამარჯვებული და დაგვიანებით შემოსული საკონკურსო პროექტები დარჩეს განუხილველი.
- 3.13 პროექტის განხორციელება უნდა დაიწყოს არაუადრეს 1 აგვისტოსა და დასრულდეს 2024 წლის 20 დეკემბრამდე.

#### **4. კონკურსის ჩატარების ვალები**

4.1. დაინტერესებულმა არასამთავრობო ორგანიზაციებმა ან/და ფიზიკურმა პირებმა საკონკურსო განაცხადი უნდა წარმოადგინონ 2024 წლის 12 ივლისის 18:00 საათამდე. ქალაქ ქუთაისის მუნიციპალიტეტის მერიაში (მის: შ. რუსთაველის გამზ. N3) ან სოციალურ საკითხთა სამსახურში (მის: ნ. დუმბაძის ქ. N61) მატერიალურად. ასევე, შესაძლებელია შემდეგ ელექტრონულ მისამართებზე: [contact@kutaisi.gov.ge](mailto:contact@kutaisi.gov.ge) ან [sockutaisi@gmail.com](mailto:sockutaisi@gmail.com)

4.2 კონკურსი ცხადდება „შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობის“ ქვეპროგრამით განსაზღვრული თანხის ამოწურვამდე.

#### **5. კონკურში მონაწილეობის მისაღებად საჭირო დოკუმენტების ნუსხა**

- 5.1. პროექტის განაცხადის ხელმოწერილი და ბეჭედდასმული (ბეჭდის არსებობის შემთხვევაში) ერთი ეგზემპლარი, ბეჭდური სახით და ასევე ელექტრონული ვერსია დანართი N3-ის და დანართი N4-ის შესაბამისად.
- 5.2. უახლესი ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან. (იურიდიული პირებისათვის).
- 5.3. ცნობა საგადასახადო ორგანოდან ბიუჯეტის მიმართ დავალიანების არარსებობის შესახებ.
- 5.4. პირადობის დამადასტურებელი მოწმობის ასლი და CV - განმცხადებელი ფიზიკური პირის შემთხვევაში.
- 5.5. სავალდებულოა ფიზიკური პირი განაცხადის შემოტანის დროს არ იმებნებოდეს მოვალეთა რეესტრში.
- 5.6. იმ შემთხვევაში, თუ პროექტის ფარგლებში იგეგმება სახელმწიფო/არასახელმწიფო ინსტიტუტებთან ან/და მედია და დონორი ორგანიზაციების წარმომადგენლებთან თანამშრომლობა, საჭიროა ამ ორგანიზაციების თანხმობის წერილი.
- 5.7. თანადაფინანსების დამადასტურებელი დოკუმენტი.
- 5.8. პირის/ორგანიზაციის საბანკო რეკვიზიტები.
- 5.9. კომისია იტოვებს უფლებას, განმცხადებელს საჭიროების შემთხვევაში დააზუსტებინოს პროექტი ან/და მოითხოვოს დამატებითი დოკუმენტაცია;

#### **6. კონკურსის ეტაპები**

კონკურსი მოიცავს შემდეგ ეტაპებს:

- 1.საკონკურსო განაცხადების მიღება
- 2.საკონკურსო განაცხადების გადარჩევა /მოთხოვნების შესაბამისობის დადგენა/
- 3.პროექტების განხილვა და გამარჯვებული პროექტის გამოვლენა.

#### **7. შეფასებისა და შერჩევის პროცესი**

- 7.1 საკონკურსო განაცხადების შერჩევის ობიექტური და მიუკერძოებელი პროცესის უზრუნველყოფის მიზნით, წარმოდგენილი საკონკურსო განაცხადები განიხილება საკონკურსო კომისიის მიერ. დაფინანსება/თანადაფინანსების გაცემის ოდენობის თაობაზე, საბოლოო გადაწყვეტილებას კომისიის

წევრების მიერ ხელმოწერილი დასკვნის /ოქმი/ საფუძველზე მიიღებს ქალაქ ქუთაისის მუნიციპალიტეტის მერი.

7.2 კომისიის წევრები განიხილავენ წარმოდგენილ პროექტებს, საკონკურსო განაცხადთან შესაბამისობის განსაზღვრის მიზნით.

7.3 საკონკურსო კომისია განაცხადების განხილვასა და შეფასებას უზრუნველყოფს დადგენილ ვადაში.

7.4 შეფასება განხორციელდება ქვემოთ ჩამოთვლილი კრიტერიუმების მიხედვით.

N	შეფასების კრიტერიუმი	ქულა
1	პროექტის ინოვაციურობა, კრეატიულობა და რელევანტურობა	20
2	ორგანიზაციის/კონკურსანტის გამოცდილება	20
3	პროექტის დასაბუთება, მდგრადობა, განვითარების პერსპექტივა და შედეგის ეფექტიანობა	20
4	ბიუჯეტი, ხარჯთევექტიანობა და შესაბამისობა დაგეგმილ აქტივობებთან და მიზნებთან	20
5	პროექტის ფარგლებში მოსარგებლე ბენეფიციართა რაოდენობა	20

სულ:

100 ქულა

გამარჯვებულად გამოცხადდება პროექტი, რომელმაც დააგროვა ქულათა მაქსიმალური რაოდენობა, მაგრამ არაუმცირეს საერთო ქულათა 60% /საბოლოო ჯამში ფინანსდება საუკეთესო შედეგების მქონე პროექტები.

## **8. გადაწყვეტილების შეტყობინება**

კონკურსანტებს მიღებული შედეგების შესახებ ეცნობება სოციალურ საკითხთა სამსახურის მიერ წერილობით. საკონკურსო კომისიის მიერ შესაბამისი გადაწყვეტილების მიღებიდან არაუგვიანეს 5 სამუშაო დღისა.

## **9. კონტროლი და ანგარიშება**

კონკურსის შედეგად გამარჯვებულად გამოვლენილი პროექტის წარმდგენი პირი/ორგანიზაცია ვალდებულია:

9.1 სოციალურ საკითხთა სამსახურში წარმოადგინონ პროექტის/პროექტების მიმდინარეობის შესახებ ყოველი ორი თვის შესრულებული სამუშაოს ანგარიში, /დანართი N5 და დანართი N6 შესაბამისად/ თანდართული დოკუმენტაციით.

9.2 პროექტის დასრულების შემდეგ მიღწეული შედეგების შესახებ ანგარიში წარუდგინონ ქალაქ ქუთაისის მუნიციპალიტეტის მერიის შეზღუდული შესაძლებლობების მქონე პირთა უფლებების დაცვისა და ინტეგრაციის საბჭოს.

## **10. მნიშვნელოვანი თარიღები:**

კონკურსის გამოცხადება:

2024 წლის 12 ივნისი

საკონკურსო განაცხადის წარდგენის ბოლო ვადა:

2024 წლის 12 ივნისი

საკონკურსო განაცხადის შეფასების ბოლო ვადა:

2024 წლის 26 ივნისამდე

